

小謨觴館續集

小謨觴館詩續集卷第一

胡香海郡司馬

森

以其友

鎮

海

郡

司

馬

森

以其友

鎮

海

郡

司

馬

廿年空學相如賦不得金莖一杯露蟬印乞偏海柳接搖草
春山隔煙霧世味年來似紗薄便飲頭綱亦奚樂鳳團拌負
縷金花恨負樵青舊僮約何人手支折脚鎗薜蘿靜掩衡門
清蟹眼魚眼細細生側耳笑聽吹瓶笙百沸定作颶颶鳴江
湖卻感風波夢一樣松濤海雨聲

明晉府寧化王琴歌

曾都轉席間見此

我昔驅車晉陽郡明祖諸孫故宮燼金牀玉几委道旁遺琴
乃見寧化王淮南伍被飛章起國勢當時幾遷徙卽看奇變
在墳簞那有和聲到宮徵螳螂捕蟬競相逐輾轉殺機騰骨

肉不須憂令雍門彈已是人間可哀曲三百年來音響沈七
絃漠漠苔花侵此中何限中山淚促柱明徵了無謂手如白
雨頭如山撾鼓卻憶唐寧藩

伊墨卿太守以重修朝雲墓碑拓本屬顓用頻伽疊
次東坡韻再和二首

楚些誰招嶺外天華嚴應解箇中元三生易醒梨花夢九死
同參蘼蔔禪露電豈消真慧業海山可有再來緣香車莫說
西陵路縞袂羅浮一種仙

使君高義感人天黃絹新辭妙入元兒女恩情歸大節春韶
風絮悟初禪香泥長護潏潏玉翠墨平添種種緣自笑夢中
無彩筆也書花葉當遊仙

次韻荅袁湘湄徵君

棠邗上見貽之作

老頗頗奔走劇堪憐頗頗朱翁鐵門春生守片瓊幾輩故人殘夢

外一番相見落花前才華少日鋒都退煙雨橫塘纔又牽莫

夏臨流雙照影漂零禁得十三年乾隆乙卯予與湘淵同客淮上

元作
吳江袁棠湘淵

乞食淮陰劇可憐一星終矣尙寒瓊客懷牢落何如舊風
貌清腴略勝前莫話茫茫身世感生憎惘惘別情牽六朝
衰豔文心苦老卻幽并俠少年

桓伊吹笛圖

江東典午衣冠族解賞高遷椽十六塵中久絕廣陵轍岸上
猶聞野王曲青溪瑟瑟風泠泠汀花搖月月不行誰知橫管
一雙手曾埽百萬符堅兵柯亭絕品平生重不惜相逢爲此
弄卽今俗耳喜箏琶誰問空山嘯鸞鳳多少焦桐出爨薪識

人言集卷一 二
曲果否聽其真不須更說中郎賞便是王郎有幾人

首夏歸自邗上憶篠園芍藥

一百六日春可買三十一種花成海名園上日例開樽酒氣
花香夢中在春鐙萬焰光罩庭紅雲紫霧圍作屏碧天搖搖
無一星宮衣笑卷千娉婷歌管年年玉缸倒高城不聽更籌
報只道杯分婪尾濃都忘草是將離號放手搏沙那可知江
鴻社燕各相思多情卻早輸黃九繭栗梢頭鬢已絲

追憶

春侶嬉春春事幽管絃叢外獨扁舟小橋流水三叉路落日
垂楊一角樓空有夢回尋舊境更無人解此清遊酒徒散盡
雷塘遠冷月明明照玉勾

望月

初三僂望月朧明盼到圓
圓皓魄盈那得天公解人意
下弦風雨上弦晴

晚雨

小眠齋傍薜蘿幽
橘刺藤梢颯似秋
向晚關門逢驟雨
綠陰如幄不遮頭

浪說

浪說文章敵子虛
經囊空逐鄭君車
人間自有邨夫子
穩坐瓜棚飽說書

秣陵旅次寄呈胡果泉方伯

克家五十韻

歸昌耀神姿未見心已折
遠道揚旃檀聞風早
馨烈曩交樂通與吳巢語若簣
儷瑟縱論及賢豪
盱衡徧簪紱雲霞各有裳與吳巢語若簣
儷瑟縱論及賢豪
盱衡徧簪紱雲霞各有
契金石疇可結
舍面求其心見百乃逢一
我我鄱陽公矯矯

會昌筆輶蕩甄羣髦春薪判曹律宏收樹人效惻解茶綱密
出把天南符重持楚湘節鯨鯢歛吮磨鳩鵲蘇沸鬱翩彼飛
鶚音詎溷威鳳質忠規楓宸孚孝緒蘭膳潔峻玉陵嚴霜駒
顏貯冬日高情寄弦酌傾挹到寒乞噓張哲人風推送襟抱
月誰於軒裳中具此軼塵骨霄路何迢迢前言記兀兀昨來
鎮吳會桑梓慶雲拂戴斗固夙懷拜塵恥干謁豈知禍生刺
猥接文侯膝管牀酒三升鄴架籤萬帙傾孟燭花爛鑒古芸
氣醇蘿袞袞無町畦心肝有披豁昔公登賢舍外舅所首拔外
蔣時菴先生督學江右按饒郡日公方應
童子試卽汲器公補博士弟子員第一
蒼茫溯師門愴恨
念門閥一辦謝家香百年衛公笏迴思立朝時風采貽卿列
凱切防河疏周諄徒薪說危言

至尊鑒殊遇崇階栗

外甥官御史時會上請畋河臣疏并條陳治河事宜得旨申飭繼而南河決

河臣獲譴遂加清節澄寒泉勁幹立古鐵榮雖槐棘躋貧屢
優眷不次遷擢纒纒中道天復奪公也甦其枯童孫得濡沫
爨樵缺遺孤僅延綫纒中道天復奪公也甦其枯童孫得濡沫
卽茲風義古足驗政心實舊德且無負報稱况魏闕單門厯
嘒號矧在兆人室三吳彙財賦百吏承考察長當安養恬寧
復事剗割下走本驚駘引分等蟣蝨志業日負初虛譽慙忝
竊神明銷風塵奇氣害飢渴如博輒得韃求盧望將絕如賈
折閱餘縱獲不償失行期老菰蘆遑敢逐巾褐予是年始所
恐溝隍委難免心志屈六纛風正揚庶彙儻能活涼風吹江
波秋色戰華髮煩腸耐幾沃退翰德聊述請更示樂吳當無
嗤坦率

汪耐山同守

彥國

招集趣園分詠飲中八仙得隼遂

飲中八仙官者七殿以焦公布衣一當時自重孝然高後世

訛傳子雲吃雲飛泥伏跡豈真少陵亦是蓬蒿人韜精荒宴
各有託醉鄉寧以升沈分我聞崑山有陶峴自置三舟客能
選彥煖雲卿皆俊人可惜同時不同面平生涉世憂患纏爛
醉往往全其天徑思痛飲覓五斗但莫高譚驚四筵

書汪竺君

元爵

五言古詩冊後二首

妙擅天揚手非調爨下桐潛蛟光鬱律雛鳳歲清雄問字掇
奇數謂君師楊叔溫雲璈鳴陰答響同君尊人耐山亦翻嫌遼海客多

事怨秋風

詩派婁江正聲名阿士聯

謂耐山甥陸子鐵元文

全家濃道氣一色闕

春妍逝水看前輩扶輪讓少年高歌青眼裏惆悵撫華顛

寄賓谷廉訪湖南四十韻

東閣樽壘轍南天驛使遙流光看電激歧路感蓬飄沅芷三

秋在湘煙九面消建幢神獬肅行郡玉驄驕政暇聽已誦官
清采楚謠也應收骨駿豈但革音鶚獨客成浮梗寒山擬拾
樵無糧資雁鷺何樹穩鷦鷯憶鼓橫江楫初停倦旅撓當關
無片刺埽徑有連招此地川交陸明公斗建杓門寬容御李
齋迴合題蕭折節延崔蔡忘年訂札僑扶輪總詞伯團蓋必
儒臬酒德更番頌琴心宛轉調香酣金鼎膩茶嫩碧甌澆楊
葉華林射蓮花玉女驍羣仙高會賦明月可憐宵僑士皆都
雅箏人各治姚霓裳翻疊拍星琯譜咸韶讀畫鴈又拓飛箋
蠟淚挑獨於篇翰癖尤見性情饒眾製囊開豹鴻章手射鵬
凝神搏師象浮響屏蟠蜩寶鏐經千碎滂葩壓六朝新詞長
慶富名集會昌標顧影慙寒悴盟心忝久要羸形憐鶴病末
技賞蟲雕沈約誇何遜桓公愛髯超不才寧敢望殊數猥親

邀荏苒淹時序曹騰送暮朝前塵迫歷歷勝事記條條儻忽
分溝水蒼黃促傳輶離悰歎弦括揮手各風颺一丈紅薔館
三重綠綺寮轉輪腸不定迴首夢無聊珠履當年客瓊關舊
市橋更誰懷闊扁祇合隱團焦坐感蕭蕭葉難舒寸寸蕉殷
勤洞庭鯉憑送廣陵潮

送胡葢卿

承光

公車北上

朝廷設科目意在求真儒父兄期子弟教必文行俱家國理
一致青紫徒區區薄俗昧其原視爲利祿途升沈競得失貴
賤分榮枯嗟哉俊髦數迺有貪庸趨志士具淵識返觀已所
儲立身儻無忝窮達皆亨衢與康侯裔高材躋名駒穹隆
席華閥俶儻鏘瓊琚法式本庭誥摠衣慎趨隅德門老兄弟
孝友交敦孚粹然和氣蒸釀此敦與瑚伯仲亦競爽篤愛徵

愉愉昨來充秋賦出手子得盧有如同根花露早先榮敷一
日致千里何難絕塵驅人間鍾鼎事詎足相夸詛所冀擴襟
抱用宏遠大模子宗盛先德學術傳鸞湖經義與治事塗分
理無殊要當本根裕乃足猷爲舒卽以華國論文章貴菑畚
浮辭戒顰悅外飾防虛車何必求聲聞啗名顧與廚亦勿嗜
纖瑣僅注蟲與魚勗哉徑寸條合抱成扶疏上以應旁求下
以式鄉閭庶幾器識備進退綽有餘繁余百無就舉世嗤大
愚了了憶髫髯負負看頭顱譚言爲子傾卻顧誠赧如春陽
動行色別緒紛縈紆翩翻丹山鳳遙集高岡梧肄雅詠萋華
因風託薏芻三歎甘自謝一笑投菰蘆

姚春木

椿

落解後將省親蜀中途次緘寄所著手稿

并點勘拙集卻寄四首

慷慨三秋話蒼茫萬里行一鉦兼涕笑餘子讓飛鳴峻闕肩
承大名山顯晦輕莫將金綫曲彈向錦官城
高館疎桐夜聯裾載酒遊關心非一第放眼有千秋滄海遺
珠在巾箱片玉收蘆中足窮士傳唱滿汀洲
生事拌浮白孤懷寄汗青車常載油素書不頌云亭笠澤門
雙版昌黎唐一經迢遙巫峽路柱史有明星
相知半人海之子定吾文少壯心思誤丹黃派別分高情捐
世眼岐路悔勞筋欲借光明燭餘輝請遲君

和作

婁縣姚

椿春木

騷雅嗟寥落狂歌一醉醒半瓊空自白雙髻爲誰青離月
吳門黯寒風易水聽空成天際望高臥少微星
一唱江南樂詩懷底不平妹應齊道蘊妻亦傲淵明閒覺

無田好忙偏倒屣迎可憐囊底策抵掌向公卿
似我成何事飄飄萬里游江湖催短夢風雨著高秋客路
頻傷別名山亦貯愁著書渾未敢姑欲蔽離憂
高館張鐙夜臨歧未覺遙幾時重打漿隨處記橫橋白水
盟三泖青山畫六朝憐君奇氣在無意歎飄蕭
東吳顧元歎宿彥服奇才偕作諸侯客同援鄧尉梅一編
文選學千古讀書臺我亦楚狂客長歌歸去來

一曲

一曲當筵酒一杯淒然蠟淚漸成堆不知隱隱五更轉祇覺
茫茫百感來外地見花兼坐月中年無樂况多哀寸心恰與
寒鑪似多少星星未熬灰

小部十二韻

小部箏牀展虛堂漏鼓沈誰調四絃手渾送九邊音二十年
前夢三千里外唼閒坊銀鑰啟中瓦玉鞭尋頻妒天仙畫窗
邀石鏡臨棗花簾了了楊柳路深深法曲康陵製香醅瑞露
斟濃春雞鹿塞細語燕鶯心影事三分記閒愁兩鬢侵驚疑
訴河滿淒絕譜鈴淋逸氣嗟何在華年逝不禁英雄與兒女
振觸總沾檢

幕府

幕府雍容劒鳥親閣鈴風細語逡巡地當澤國偏愁旱官到
條司不救貧菜把蔬盤方鱸玉山樵柴價抵烏銀諸公莫說
通侯貴只要頭銜署富民

里中雪戲效吳體

推窗虛室忽生白仰屋有人方草元凍雀爭枝苦格磔鄰獨

掉尾何翩躚遺蝗果否可入地宿麥料將書有年腐儒小喜
卽喧鬩計短先卜梅花妍

海鯨行

北風吹海海水急千里長鯨作人立樓船將軍號令肅欲翦
修鱗曜其目魚目閃閃明月光上鯨太白翻無芒礮掇如雷
矢飛蟲殺機竊發猝莫防將星一夕落如斗掉尾長鯨撇波
走是時天寒月在丑組練三千歌聲死一鯨得脫羣鯨喜卻
教萬頃滄溟濤嗚咽都成隴頭水迴軍莫唱雉露歌哀死曷
若揮琱戈雪憤定有英靈呵嗚呼澹臺儒生猶斬蛟何況玉
帳諸金貂

新正里中酒間作

戊辰

醉我溪南老相攜舍北翁文章空見許保社幾時同且盡杯

中物休譚過去風平生漁釣約禁得尙飄蓬

別院

別院文窗綠閒門花事幽長時紫柳線渾不卷簾鉤屢嚮檻
三折衣香風一樓傷春心幾許更替燕鶯愁

譙席有贈

窄袖蠻韉蹴五文地衣都要水沈薰白翎自奏婆羅曲青翰
渾逢越鄂君花影暗移闌一角酒塲圓墮月三分彩豪書徧
閒花葉更與殷勤寫練裘

觀手技

箏琶笙簫鼓鐃鐃衆樂如麻樂工獨五官四體無一閒口手
喉脣及雙足有時泠泠細管清有時鐵騎刀槍鳴新音法曲
雜正變羸得大略皆成聲移宮換羽巧無蹟絳樹雙聲妙難

敵能多技雜世轉輕不與伶官分一席漂泊江湖幾春夏那
敢當場索高價得錢取食東復西只博兒曹一誇詫君不見
當年齊王好竽甚一竽能吹優微幸南郭處士無寸長三百
人中飽餽廩又不見邨農有田長子孫終老安守蓬蒿門懸
槌十指百不解爛醉狂敲老瓦盆

風塵

風塵何處有邱樊紫陌春濃百籟喧一笑人間原戲劇官蛙
給廩鶴乘軒

展墓三首

頻年轉江湖春半輒去家清明好時節淚灑棠梨花今茲遊
蹤近相去水一涯斂攜麥飯盂來薦東陵瓜晨昏墟隴間愧
彼銜尾鴉鄰叟九節杖邨童雙髻丫相逢各恍惚頗訝綠鬢

華松楸幸無恙
肝蠶通幽遐
靈風颯然來
夕陽黯欲斜
應憐此孤兒
面目多塵沙

賤無表阡文再拜
默致語童少
荷厚期立身
規遠馭蹉跎
四十年忝冒徒
虛譽怛然風木哀
如暝不再曙
迴思罔極恩
一痛息千慮
前途思之熟
進退兩失據
頗冀保清白
無復希軒翥
但勿填溝隍
勉勤謨著養
真守衡茅
道味蘄饜飫
寢興念所生
全歸異時庶
有後何敢言
無成倘能恕

依依別墓門
忽忽來舊鄉
殷勤從子輩
爲我羅酒漿
老屋數十楹
久作債券償
祖居頗闕整
近亦三徑荒
巍然舊門閤
改作隣家牆
古無千年業
達觀亦尋常
無柰榮落悲
淒然感難忘
卻看小從孫
舛繡栢櫛踞地作
虎子跳蕩誇身強
一笑或亢宗
所願非敢望

負手

負手閒行舊藥畦
間關鶯語隔林啼
昇平有象占朱雁
詞賦何人頌碧雞
半醉夢魂風絮影
一春心事落花泥
檢書看劍都成嬾
別館薔薇日又西

得中立妹聲都門書卻寄

近聞瑁毳滯春明
又見封乾碎上卿

富陽相國有卿勘國史館天文志校

議吳下星占推趙達
漢家靈憲待張衡
鄉山蕉萃牽蘿計
骨

以酸辛灼艾情

時女弟遭疾初起

我自雕蟲了無藉
尺書招隱倘心

傾

次韻李散木

榮

見顯拙集詩二首

褪盡江花筆底妍
曉寒愁賦衍波箋
吳船赤馬思求侶
塞酒黃羊罷擊鮮
名姓人間終草木
愚情天上有神仙
誰知破帽

騎驢客低首韓陵片石前轍牧曾游代朔間見予少時所作周忠武公劉夫人廟碑贈詩有憶

昔樓煩弔忠燼十年前讀大文來之句

鍾期元賞到琴臺漫作金風亭長猜碧玉依然晉祠水蒼顏
愁說洛陽才行藏枯苑憑三命詩卷叢殘賸八哀卻是素心
忘不得簷花細雨遲君來

米貴

石米五千貫嘵飢值歲豐炊煙貧戶澹陳粟富困紅豈有天
能漏終期糴可通監河容貸否愁絕住江東

李虎觀同守邦變索題石梁漁隱圖

瀟湘司馬瀟湘吟湘山九面蒼煙深鱸鄉畢竟五湖好漁弟
漁兄知此心

楓橋貝埔聚金石千餘通葺千墨庵貯之繪圖索詩

萬行金薤抵瑤華不讓龍舒著作家
是否閒堂春晝永有人同覆掌中茶

秋日偕友人泛舟石湖至楞伽寺登上方山歸舟夜
由虎邱山塘抵胥江水次二首

夙慕五湖遊層波阻孤蹤越來溪咫尺煙水連空濛
行遠必自邇藉以文我慵天鏡落心目漣漪澹搖溶
精藍臨曲碕雲磴碧蘚封石洞瞻妙相寺有觀音洞水月天人容
上夾雙翠岳藤蘿

罨蒙茸下臨不測淵窈黑蟠螭龍陰森噤毛髮幽怪無
春冬金仙亦何樂悶此荒寒中揮手眺平野千邨聞暮
春稍稍聞鳬雁戢戢嬉兒童穠樞十萬頃翻作玻璃風
如遊羲皇世豁達披心胷請謝靈湫區長伴石戶農

單椒接茶磨脩嶼峙亭亭顛厓有花宮鐘魚門晝扃
當年盛

言解食言集卷一
香火俗語成丹青豚酒鬧巫祝簪笄走媼姪崇朝厄運至白日轟雷霆鬼神有代謝憑託無千齡迴糴入西郭歌船塞前汀煙花此終古簫管鏘仙鈴夜久亦漸息眾喧歸宵冥天西挂片月高柳明疎星清寒入肝膽一洗羅綺腥沿洄越闌闌浩浩市聲停魚鱗屋瓦中萬戶夢未醒松杉闕夜氣沸鼎成清寧卻爲倚舷唱旁有溪魚聽

碧城五首寄春木都門

碧城迢遞碧雲長遊戲仙家兩不妨寄語投壺諸女伴脫梟何必電流光

省識天孫罷織時流黃機畔淚連絲蘭香下降雲英嫁一片秋河冷自知

寶笈珠經護綠芸新宮小史一羣羣少霞也是文章手只博

頭銜署五雲

洞口蘿陰欲化煙
清愁留與蕊宮仙
生憐一輩靈妃齒
纔見紅塵便粲然

玉眞夫婿等閒留
只爲胡麻飯一甌
知否有人雲外立
桃花如火不回頭

除夕賦得四十明朝過二首

四十明朝過
清愁鼎鼎新
有身原累我
無事不輸人
人家祭虔攜婦餘
逋婉謝鄰
閉門風滿屋
爛醉冀全眞

四十明朝過
蒼蒼在鬢絲
蔽材安世笑
來日只天知
逝水流如許
強弓挽幾時
明鑑撾臘鼓
作達已嫌遲

人日大雪耐山招集賜書堂醉歌

己巳

不飲長如醉
兀兀出門時
日多於髮喜
聞里社作近招
快若

鷹隼離韞縢連朝酒星貽人爛勝地勝情此間冠金花四壁
簿閱華風雅一門旗鼓健去年人日晴不來今年人日風雪
催衝泥雙屐不辭折要令寒谷成春臺先提酒人舊頭卓靜
山憲繼邀俊侶雲間陸子簾衣盎盎隔冰霜肝肺鱗鱗起亡
肉飛狐城邊射獵場聚星堂中禁體強壯游奇氣駒過隙兩
鬢無情忽垂白人間榮枯幻態賒放眼略比空中花萬緣都
埽一窮累尙未絕粒餐雲霞幾年看梅客東閣幾年授簡青
油幕杯盤空飽侯門鯖淒苦依然紇千雀吳姬十五雙翠蛾
清歌勸我卷白波浮萍斷絮各無蒂我與爾曹愁孰多醉鄉
何如故鄉好故鄉無憂故人少搏沙蹤跡暫亦佳舍此百年
逾草草如泥肯惜積玉山東方未明夜任闌不愁人事隨日
出歸踏瓊瑤錯疑月

和作

鎮洋

汪彥國

耐山

曉鴉號屋破睡兀開門寒豔逼陰髮瓊妃騎鳳若可招迴
風戲散千絲縑搖搖銀海花枝爛裝束縞衣玉而冠入手
流年酒盞潑上頭春色華旛健詩人不惜泥蹠來草堂逸
興當筵催謨觴仙館高位置有願但築糟邱臺中宵跳舞
冠倒卓睨視今古幾沈陸生憎謠詠工蛾眉老謝磨礪去
圭角世間悲樂千萬場與君蹉跎四十強勞生齷齪無寸
隙天付狂奴眼撐白來日易促去日賒壯懷豈解兒女花
賢豪有命亦陵谷神仙何術能霄霞側聞露禱鑒天閣
得厚夫書知京師祈雪又見河防議參幕生計艱難集澤鴻平居憂
患處堂雀吾曹遮莫攢愁蛾機事終淺隨鷗波青衫紅袖
誠無賴未必傷心此最多紅袖青衫兩無賴傷心事總吳世間多君卽席贈歌者句也

娃慣唱春光好美景難并良會少及時且共秉燭歡多情
勸種當歸草誰者黃土誰青山客意何如雪意闌相看寒
餓秀句出短櫂依然夢湖月

時將同
之吳門

古詩四首答陳雲伯明府

文述

弱歲涉學林如海迷西東汎濫乏眞得源塞流豈通謬爲肇
悅詞浮葩翦青紅卽降論枝葉精鏤樸頑銅自信無一可毀
譽百念空煩思迴軌轍正學加磨礪所憐登頑疲途識力已
窮奈何虛美加數枉諸宗工得無重我過情又萌矇矓逞豪
如枯荻行復茁數叢旣誤燕石寶終藉他山攻

文章總空言體不分駢散自從東京來衆著日星爛沿洄洎
六代文質各參半要有眞意存瑚敦非俗玩同爲古文辭貌
異神一貫三唐未陵遲兩宋道乃判方今此事昌數老詞場

冠吾黨二三子高文各璀璨予亦希雅音隨衆學操縵終嫌
榛枯雜有待冶鑪鍛猥辱瘢痂嗜幾忘魯鼎贗可憐廢精神
無益自顏汗所就乃止斯廢書喟然歎

陳侯浙西豪文翰早飛翬一編碧城集光譽騰萬口珠林吐
滂葩古錦織妙手神仙排雲霞金碧燦軒牖或爲驚鴻翔旄
旗嬉左右或爲古勁裝長劍倚星斗隴廉見孟姬自顧眞老
醜惜哉枚馬才不逐金張後抗顏忝紅塵束帶膺墨綬昨歲
官瀛壖

時攝寶山令

扶桑一翹首作爲觀海篇雲夢吞八九我聞

成連琴祇在山林藪浩蕩天風中知音有人否

一樹老梅蕊半椽舊草堂殘年風雪中遊子初還鄉剝啄枉
車騎深談見衷腸三歎作吏難枿鑿殊圓方復惠六篇詩新
詞瀉琅琅訂以車笠盟許以名山藏高情篤深眷法曲彈清

商萬念洗冰雪都非少年場得爲且自勉不獨在文章弁山
聳寒碧海水搖晴光努力追前修視此鬢鬢蒼

遊南園

園爲前明王文肅公錫爵所遺後捨爲寺久積廢其子姓重葺新之庭有老梅一株號一

隻瘦鶴舞文肅公手植也將三百年矣時方作花

綠野遺墟結構新琳宮遙與梵宮鄰

園中供呂仙像南爲湖音庵東爲繡雪堂皆王

氏家廟

地傳玉帶曾遊處花比金剛不壞身老衲豈知塵世劫

暗香還逗古時春隔林似有提壺喚分付東風動酒鱗

晤頻伽胥江舟次酒間賦贈兼示令弟丹叔

鳳

飛揚都過少年場尙覓仙人行樂方作達安能外名教立身
如此大悲涼春波畫舫三篙弱詩卷名山一尺強只羨君家
老同叔卅年身不出江鄉

果泉方伯應司寇

名入都寄贈五首

岳牧乘輅去皋蘇待澤多江山盼持節霄漢舊鳴珂書又看
城旦曾仍貯太和昌言思贊暇餘事好賡歌

忠孝平生事東南財賦鄉庭闡春進酒心跡夜焚香廉有神
明鑒寬畱世澤長熙熙諸士女只解樂畊桑

薪竹籌河日租庸議稅時欬歔介夫畫激切道州詩赤牘言
如昨蒼生福不知菰蘆殘客在畱作夜談資

綠醕傾花幕明鐙照綺軒温温無暴謔了了記心言冠佩從
教落金絲偶一喧車茵曾吐處迴首總煩冤

書局温公劔

時校刊淳熙本文選

當今劉范誰諸君鴻爪散此事虎頭

推贊

謂淵

蒙也懷鉛其相將橐筆隨江湖畱二鳥天上定相思

古詩三首次韻答汪竺君

晏室示楹語孔庭聞學詩千秋聖賢業箕裘有眞師雕龍非

世禪摘璫徒爾爲之子盛門業鼓鍾會軒墀神駒早騰趯老
驥不敢嗤會期秋駕遠莫惜鹽車遲如川必印浦如字必有
孳大典修明禋藉地先布茲偉哉九仞臺已過三重基

弱冠掇學津前修鞭願執迷塗屢迴互軌轍今稍悉所歎桑
蔭移欲赴天恐尼子如日初升進得無遐失玉蚪長風乘珠
緯天閭密崔巍切雲冠羣神讓君謁

所業不諧眾適越被章甫伯牙號鐘喑薄義凡箏拊大愚嘲
駱疥小黠誇虬戶鏘鏘孤鳳皇下視皆狐鼠詎肯如桔槔隨
人爲仰俛高才偏善下虛受若鍾庾禱昧安足論相靳敦古
處緬懷榮名寶甌勉同心侶謂子鐵謾言偶傾寫世士恐色拒
匿笑姑置之彼哉原伯魯

霜庭鞠稚圖詩并序

昔晉潘黃門爲任子咸妻作賦述其所天旣殞孤女始孩以爲生民至艱殷憂靡訴感而命筆爲叙其心予婦弟蔣二德方之配系出華閥早詠柏舟無叔夜之長男有左家之嬌女初離文楸卽課遺經事等折蘂情均茹檠其宗人王某爲繪行障予因節潘賦中語題曰霜庭鞠稚圖而系以詩曰

嬌小平陽面淒涼孤燕唼書聲黃口漉鐙影綠窗溪香茗他年賦貞筠此日心分明絳紗帳懷古一沾襟

校刊淳熙本文選將畢戲占二絕句示潤贊時寓吳門玉清道院

落葉風前埽百回江都絕學此重開白雲洗出廬山面只問何人屐齒來

爛熟空誇選理精淒風蕭寺剔寒檠防他太學諸生笑相對

依然喫菜羹

被酒寄蕲卿

殘鐙欲炮酒禁持影事前塵繫夢思公子西園愁話舊美人
南浦慣傷離情瀾浩浩三生共白月明明兩地知那有閒心
還聽樂世間無賴是金絲

寒夜獨飲

少年耽飲飲必羣下至屠沽上簪紳雖無醜德雜怒嗔終覺
肝肺成嶙峋中年興漸闕選酒兼選人我思柴桑宋遺民我
思高密老鄭君一醉便眠得天真一飲斗許長溫溫莫偕蓋
次公莫遇周伯仁次公醒狂招世詬伯仁醉語徒殃身素心
可望不可親不若相對形影神竹風蕭蕭雨紛紛夾以雪霰
聲滿鄰小窗深鐙青不昏地鑪榾柮紅乍焚一簞自撥牀頭

雲中有至味醇乎醇綺叢歌席嫌羶葷何况酒徒搖舌屑靜
裏兀兀取半醺曾次益益皆陽春此情莫與世俗論但遣屋
角棐花間

有會而作十三首

庚午

萬物胚鴻鈞氣化本自然乘流與得坻了不煩機權膠擾世
間人百念紛牽纏所營偶如願遽謂人勝天迫乎更事悔心
力已空捐吾生逾卅載乏術隨化遷跬步無妄圖撫衷尙多
愆安能策餘力役役隨時賢

勞生涉江湖憂患夢猶怕壯非史公遊事同列子嫁繆充諸
侯賓轉展若傳舍骯髒樓護鯖悲辛少陵炙逢迎詎乏賢摧
折氣終下塵鞅茲偶停如吏得休假明知飢來驅乞食須命
駕且當忍朝夕暫與世緣謝衡門閉兩版中有三間榭一把

覆頭茅高高若嵩華

儒生營四海曾次浩軒豁志期蒼黔安要令水火脫如何壑
鹽事頓使壯懷奪五窮究何神愚智受忉怛一己艱生存奚
云萬人活藜羹尼父甘舊牖原思達乃知古聖賢厄亦難自
拔引之聊解嘲庶以安飢渴

昔賢重遺贈甚以冥報貽一介凜取予清操理如斯予生百
無藉難免求人時簞食偶得濟慙顏內含悲奈何竿牘流動
輒希恩施安能盡如欲拂然有繁辭小人乃懷惠聖言不我
欺舉世無鮑焦此情當語誰

城隅一老屋屋後皆原田春波淨寒綠林花吐幽妍薺菜旣
青青良苗復娟娟每攜柳栗杖日涉東西阡鄰叟荷鋤至誇
余屢豐年雖非已所有生意亦欣然畎畝平生懷先疇悔輕

捐真如過屠門大嚼吁可憐

春色來郊原好風入懷袖常移踽踽步樂此遲遲晝花密蠶
漸喧麥芒雉初雊偶然遭田父爲我剝籬豆泥飲欣相從芳
草綠如繡遊疲戀鄉井衰至愛耆舊豈無諸少年褻屐成避
逅笑舉泉明言相知不忠厚

大桃好客顏惜非經久質盛時無一旬風雨況難必看花偶
因循漸覺故態失今晨惜昨晨明又惜今日萬事類如斯能
禁幾悠忽相將秉燭遊我後不遑恤

荒城十八里半栽桑與麻我舍西南偏桃杏交周遮陽和扇
羣植棗敷爛朝霞遊侶日千百冠裳襟笄珈雅俗共所欣誰
能非毀加因思著作事文質相疵瑕嘔心挾葩藻世眼索瘢
痂爭似尋芳人萬喙同一誇始知千秋業不及三春花

陶公命子詩祇以才福詔昌黎示符郎但誦讀書效頗疑晉
唐賢落落非常調如何義方訓不外俗所耀高密有通儒公
車謝徵召衰年戒益恩立德優爲孝聲稱亦有榮所生已克
肖曾無紱冕緒責望徇時好偉矣鄭公鄉千秋仰庭誥

先人有藏書插架近千帙孤露廿年來漂流去家室田園旣
登券舊籍亦散佚茅齋今所儲籤軸題甲乙節食兼典衣裒
存百之一精衰學術龐漸悔汎濫失庶幾約守之相依送餘
日

橫經理舊業古訓勤爬梳偶爾有新得爲之一軒渠久覺非
初獲前賢早先諸辛勤三十載尺寸材空儲立論欲求是後
輒悔其初要皆覆瓿物安足當蓄畚撰述僅驚名所愁類鈔
胥百年莫殫事數月成有餘應笑破千卷不能著一書

池塘飛暮雨風色在高柳閉戶呼張鐙欣然命樽酒塵喧息
比鄰細響落窗牖家人頗解事瑣屑不挂口但道春花佳明
夏能飲否引滿笑領之先教翦園韭

松蘿交戶牖月影逗中央滅燭攬清輝冥坐移匡牀去人不
盈尺晶瑩生薄涼階前白露塗衆葉翻寒光斐几書帙靜風
細聞古香清寧有真境天心見微茫且復滌萬慮因之夢羲
皇朝看鏡中髮莫令添秋霜

香徑

一條香徑暖雲烘春在遊絲白日中柳外文梁藏乳燕風前
人影度驚鴻驟暄多恐成陰雨漸老尤應惜鬧紅覓取玻璃
三百盞醉鄉深處伴無功

意行

意行無定自莎拖陌上香風送綺羅臨水園亭中酒易斜陽
門巷卷簾多花叢那藉黃鸝請草路猶思細馬馱誰是溪南
辛老子一杯相屬莫蹉跎

花滿

花滿紅殘不可畱神方駐景倩誰求依然燕語鶯啼日漸有
鸞飄鳳泊愁酒力過時香夢醒柳綿飛處夕風柔迢迢南浦
春波綠猶解生明照畫樓

和舒鐵雲孝廉

位

見顯丙辰歲遊山詩卷詩

十五年前詩一卷千仞飛車夢猶戀天涯同調舒元袞細字
蠶眠顯欲徧平生鬱鬱海嶽懷五窮驅我塵市來靈如玉女
久相待洞花望斷櫻桃開君詩感人欲起舞君才偶儻曹劉
伍短衣長劒昔從軍鉞甲光中筆花吐青油幕下難久居光

範門前空獻書年年乞米傍公府非官非賈非樵漁丈夫不
具封侯相合早抽身問蓬閣英雄變策乃神仙除此茫茫夏
何向君如計決求倨佗我亦蠟屐排松煙巢由不用買山隱
何必愁乏青銅錢春巖迴風瑤草綠胡麻同畊飯應足此詩
便作息壤盟畱與靈威丈人讀

和作

大興舒位鐵雲

身行萬里讀萬卷腳底胷中常戀戀明知行路旣多難况
復讀書豈能徧誓捐俗慮伸雅懷舊詩已去新詩來上元
細字水精夢一笑昨夜鐙花開鸞鳥自歌鳳自舞公等錄
錄噲等伍神仙未有不英雄如此裏言忽輕吐子能行之
修常居鹿盧蹻有琅嬛書三食聊防羽陵蠹再來豈是桃
源漁埽除方寸諸變相島近蓬萊苑附閭縱未胡麻飯阮

劉也應蠟屐吹禽向姓本是彭名亦佺

位本名佺字仙才
癸卯鄉試始改今

名一南一北兩點煙洞天福地有厯劫明月清風無價錢
何處男紅與女綠過眼雲煙看已足依然捫蝨坐青山路
不可行書可讀

讀鹿洲初稟書後

萬里溟濤一掌看書生籌策舌翻瀾太平自有金湯固陰雨
須謀牖戶安翡翠明珠方物易伏波橫海將才難日南花鳥
羅浮月隻字何心到筆端

春餘

墜歡誰解拾春餘一片林亭畫不如濃綠漸肥紅漸瘦怪他
花葉有乘除

老圃

草痕如毯水平池
欹倒疎籬竹幾枝
老圃一方荒亦好
夕陽容得賂多時

野老

插棘編籬野老家
紛紛紅雨惱芳華
兔葵燕麥休刪了
畱與風前襯落花

何秀才

恩照

以山陰陳酒見貽次東坡和錢安道寄

惠建茶韻

東坡論茶借論人
解道佳人似佳茗
心腸玉雪非膏油
中有微言可三省
我生擇酒同擇友
世論多歧安足聽
醇泊應推君子交
黃中只愛溫良性
德能激薄養以和
味可平心取其正
越女由來天下白
越溪水亦清而永
釀工作醞劑苦甘
有若敷政調寬猛
不比燒春劇刀箭
善氣油然而遠麤
獷年年此

小詩集卷一
三
味客中譖代舍歸來酒鎗冷茅柴非無村店沽心欲受之喉
恐醴感君白衣餉東籬勝折江梅馳驛嶺洗觥急爲掃閒軒
浥浥鑪香泛金飴風落檐花春酌動竹鳴窗雨踈鐙炯歲寒
倘得長周旋那惜飢窮老鄉井素心臭味君則同饒口老饕
吾自倖朝晴更擬扛壺遊準備肩頭木瓢瘦

雨

蒼蘚斜緣砌縹絲細映空藏鶯溪柳路吠蛤野田風琴悔調
絃拙書慙乞米工草堂殊未惡只是遜盧鴻

晴

綠陰纔半院風到已泠然永晝人無語新晴草不煙鄰閒窺
樹果僮小數苔錢只有忘機客拋書便坐眠

孤坐

孤坐藤蘿廣思裁薜荔衣草花開廢圃瓜蔓上荆扉蜜熟蜂
飛嬾巢成燕過稀所嗟人異物翻覺閉門非

初月

朦朧看便好不要太分明檐際一痕動悄然遙思生銀牆碧
梧院花影紫鸞笙魂斷昏黃夜蛾眉知此情

題錢籜石先生丙戌關中畫蘭長幅四首

幘首自題云乾隆丙戌

戊科載蒙恩入內簾校士閱卷已畢循用藍筆寫
蕙花一叢以自賞三月廿八日翰林學士秀水錢載
又題云癸卯之秋予告歸里重九後三日雨窗無
事檢閱舊篋中得見此幅丙戌所寫已十有八年矣
邇來年邁腕弱不能有此勁
挺之筆故重識數語存之

風流長水老詞伯古戰場中寫冷姿怪底積唐醉翁意不顯

一省性靈詩

鳳唼堂前畫燭紅髯仙腕底有春風貞觀

從釋文官音

朝士凋零

盡斌媚分明見鄭公

纔了煎茶興未闌
旋香添染露華寒
萬枝食葉春蠶筆
不滿幽花一笑看

文昌風景數沈吟
讀畫翻傷寸草心
莫說當年舊桃李
可憐無樹接新陰

丙戌先君成進士癸卯重九後三日則予應京兆試報罷時也

讀明史及崇明縣志沈廷揚傳作

當年杭稻轉東吳
遼海雲帆有舊途
一輩訐謨成築室
孤臣草莽獨飛芻
關中古要蕭丞相
海上今無卜大夫
忍使水衡錢百萬
年年拋擲爲菱蘆

舟次邗上重過題襟館示蓮裳二首

十二闌干一徑通
舊時賓榻舊簾櫳
曾經月弄風嘲地
又到金迷紙醉中
爪印自尋苔蘚碧
酒顏猶傍燭花紅
題名片石

依稀在可有滄江夜貫虹

予所作題襟館記梁山舟學士書今尚嵌壁間

聚散搏沙各自驚酒闌清淚替縱橫江湖弱骨千鈞重萍梗
全家一葉輕奉母勢難拋祿養遣愁詩尙託風情故人賸有
元瑜好綠水紅蓮照眼明

謂王鐵舟

湖船

出門初過九月九寶應隄開廟灣口漕渠一綫斲人行只有
外湖寬可歪外湖蠶社及汜光三四百里波汪洋湖船入湖
土人慣不資艣楫資帆檣木堅質重色比漆五尺艙深隙無
一鐵籠人疑田氏宗井蛙笑學公孫述洪濤眩轉天水銜放
溜急竄如驚麋但除當頭暴風惡其餘三面皆張帆邵伯埭
旁初發船大王廟前焚紙錢須臾莫辨中與邊四方上下銀
瀾連柁樓遠望目力盡不見半點邨墟煙神搖氣餒蓬底伏

忽聽榜人呼食粥長年婦稚各欣然了若安居在華屋爲言
今朝風日好片時已過秦郵道少焉明月出天邊便抵淮陰
舊隄埽淮壩近增昏墊憂田廬半被波臣收吁嗟乎魚頭赤
子無寸土生涯讓爾湖船戶

柁尾

柁尾榜人婦相依共短篷擅薪雙腕玉打槳兩鬟風面顰嬌
兒白衫裁稚女紅江湖無別苦生計羨篙工

再至淮安書感

釜底孤城落日邊金隄高甍過於前漢臣本要兼三策商邑
誰能計五遷嫗歪歷陽應有數宮成瓠子究何年一行官柳
婆娑認祇覺臨風倍黯然

果臬司寇以去秋總督漕運緣事落職宣力南河旋

領淮陰郡守地爲予舊遊今茲渡江造訪酒間長話
惓然於懷得詩六首

代舍分攜歲一周前塵重訪月波樓鈴奴廐卒都非昔風色
河聲各感秋舊館豈徒桑下戀此邦添得杞人憂明公自抱
蒼生戚不爲車前少八騶

十餘年夢久闌珊前度羈孤影更單梁燕巢痕尋一一磨牛

陳跡記團團種桃舊圃花何處行水司空事較難別有房公

門下感了無人比董庭蘭王含谿河帥自乾隆甲寅至戊午
守淮陰予客茲土五載署中有手

植桃樹今河帥久
逝樹亦無存矣

鳳羽雲霄變態多陰諧運日事如何謂山陽眼明那僂淵魚
王令獄

察例在難辭仗馬訶紅粟聯檣紆玉節碧油迴旆下黃河分

明聽徹鈞天奏重唱人間勞者歌

不將塵劫感仙凡 楓陛恩深進退銜報國有心盟白水聽
歌無淚溼青杉方楸局勢基頻換華嶽鋒稜面總劉參得天
心消息理豈宜長挂順風帆

相對依然燕寢香紆籌無那鬢添霜木饑水毀災頻告食貨
河渠勢兩妨曲突自應爭上策琴絃何易說褒張羽衣吹笛
黃樓上始覺東坡興獨長

又向江湖寄此身天涯朋舊話酸辛飛車未許登懸圃捧土
空思塞孟津病後驚魂常惕息醉中詩膽忽輪囷嗷嗷中澤
哀音滿一箇賓鴻未是貧

廟灣工次書所見

屢報鴻陂潰難期雁戶安全家依片席一芋了晨餐宅已甃
鼃徙人同鷄鶩看風前數行淚僮僕亦知彈

工次夜起

漠漠長隄暗荒荒缺月孤眼中無片瓦枕畔噪千夫擲牝黃
金賤漂沙白骨枯槽巢且須處官事重蜚芻

將歸示友人

眼飽監門畫心驚竹箭波春收農望絕鬼趣路旁多顧我非
官吏隨人洗襪韉故山飢亦得何苦聽勞歌

歸舟作

幾見蘇昏墊頻聞耗度支爭紆行水策誰誦酌泉詩盤帶叨
何數鼂纓悔恐遲芻言渾未敢一權下流澌

小謨觴館詩續集卷一

小謨觴館詩續集卷第二

鎮洋新影北林

補顧劄

靈芬館第五圖為頻迦頌

平朱

自誌

衡門能閉否圖畫又重看新竹更應長舊書渾
唐勒幽谷此王官老我卜居拙連牆盟恐寒

沈夢山丈

祖齡

空山獨往圖二首

詩老鬚眉古家聲俎豆光

尊甫敬亭先生入視鄉賢

清門無橘稅廉士有

泉香愛日初懷負停雲極睇長淒然巖隱意百感付蒼茫

畫表誅茅願詩傳寸草心曾繙耆舊傳如聽雍門琴誼忝交

羣紀

謂哲嗣端

遊終愧向禽負薪歌一曲迴念亦欽欽

古詩贈董樸園邑侯

和培

卽題其課子圖

眞儒無才譽循吏無能名穆然如清風被物物向榮賢侯廣

川裔經術追西京放爲瓊琚舜雅樂鏗韶謦秋薦肆萃鹿南
國影華纓始判均幹官處膏節廼貞十年蘊瑋器一表推專
城我邑婁江東其外環大瀛衍沃兼斥鹵秀良雜蚩儻苛嫵
與舒緩兩頗艱持平昨歲侯來茲歡顏動開闔下車帷甫褰
善氣人已迎首端士廉隅次求民隱情高山古賢仰白水臣
心盟訟不尙撻發導以讓息爭政不設鈎距待以惻欵誠慈
祥貯胷臆皎鏡仍虛明藹吉感時若屢豐慶田更閣簾閒草
色鄉月停麗聲浩浩百里間益益春陽盈賤子愧庸下道藝
徒爾營漂流老賓客筆舌當傭耕猥儕泯子午禮顏荷齊嬰
涇杯簿領卻短燭肝膽傾每登魯宓堂恍作羲皇氓比出示
行像芝蘭侍髦英時於撫字暇督課同庠黌繫昔萬石君世
澤光宗祏又聞陳太邱再傳列公卿陰德後必大况以家學

鳴願言恢門基若韋有元成或如桓太常章句入史評下而
嗣胡威各建郡牧旌猗歟玉杯篇不羨黃金籙自歎清白後
慙拊藏書楹敬爲使君誦歌罷心怍怍

盧湘槎明府

元榮

解官歸小住邗江作騎鶴清遊畫

卷屬題長句

翁昔駟馬參戎韜烏鳶跼跼蠻煙高蜚鴻忽落皖山陲百里
花封看馴雉鸞翔鵠舉意不怵清夢只繞江之南江南鷗鷺
盟煙雨薄遊偶跨橫江羽胎仙矯翼輕扶搖卻喜十萬無纏
腰綠楊城郭二分月深夜玉人何處簫袞袞泉刀競趨走雞
鷺羣中來此叟流水車嫌富媼祠醮波秋愛隋隄柳江雲倒
卷玻瓈風要與昏衢埽牝圻朱闌翠箔湖上樓斷梗記我三
年畱擅腥羅綺嬾迴顧往往撥櫂平山幽勝事當時猶在眼

同此孤懷有嵇阮小艇偷借伊郡侯墨卿微吟細和曾都轉谷
鳴鴻聚散安可期伯勞燕子東西飛摧積病身還故枝塌翅
無復陵風思讀畫前塵儂自惱鬢絲小杜垂垂老如翁本具
海鶴姿縱倦清遊歸夏好雛鳳摩霄鶯出谷介壽惟應鶴觴
祝刪我梅花東閣詩爲翁獨奏南飛曲

嘉定陳氏雙孝詩有序

陳大用字允升居嘉定縣城南父良顯有善行父沒大用母
殷氏患癰十三年與妻黃氏籲天求代竭心力侍疾疾亟大
用割股肉以進積瘁至吐衄隱不言黃孝敬一如其夫殷卒
擗踊幾殞哀感行路咸以雙孝稱事詳縣志子四人季詩庭
以嘉慶己未成進士孫十六人長次皆縣學生乞詩表微爲
題其冊

練溪之水何清激中有孝子陳允升年甫十六乾蔭傾母瘍
顙天天弗鷹金刀刳股肉作羹竭勞歐血不自明冀以毀體
哀神靈邦顧腐儒執簡爭中閨良匹姬姜型抑搔漱澣心力
并閔曾至性伉儷羸十三年內同精誠送終號呼激幽冥殷
田哭如壞牆聲路人聞之皆淚熒餘事嫻黨賙孤惻天昌其
嗣世德馨有子通籍孫庠鬢我昨薄遊古礪城城南君居水
竹清定有孝筍駢枝生吁嗟內則垂典禮男職女職道如砥
世上紛紛鑽故紙孰聽雞鳴謹甘旨誰無父母與婦子降而
勃谿衆不齒景彼高風愧當死傷哉我久失怙恃自省平生
未及此再拜題詩賴有此

得果泉觀察書知陳默齋都督

廣寧

自壽春移鎮充

州以書幣見邀作山左遊憚遠辭之卻寄三首

迢迢雙鯉託南鴻帶得黃流岸上風
菱玉已聞河伯許時減
口將稻梁可有野人豐
渾忘殘客龍鍾甚細說將軍競病工
堵合作賦論兵賈生事辟書愁玷幕蓮紅

不數陵煙鄂與褒聖人居近攤旌旄牙軍定有詩書氣壁壘
平分泰岱高杜武庫原輕馬射李樊南許奉龍韜只慙夜半
傳衣客無分王祥得佩刀

令伯衰宗子姓單仲宣羸體鬢霜殘江湖有夢都成噩門戶
無風也自寒倦羽近飛還鄭重病妻言別倍辛酸新詩優是
休休記分與蘭陵大尹看去冬嶧今蔣伯生因培招往先已辭之

城西二詠

曇陽觀曇陽子爲吾鄉前明王文肅公女以純節至孝登眞弁洲集中有傳二百年來委巷流傳失實詳見予所著懺摩錄中今觀爲當事移建大興朱文正公顏其側曰貞孝神仙

佳傳琅邪筆芝栴相國顯貞心黃鵠見靈蹟彩鸞齊犁舌能
無獄攀霞自有梯莫將華山女容易擬昌黎

烈尼墓

尼姓周名鳳強暴犯之不從

國初出家吾州之香泉庵搜刃死州官置強暴於法

立碑表其墓曰血凝白壁

玉碎瑤光寺霜明青豆房紅蓮開烈火白刃發奇香殘蟲磨
蒼蘚神鴉護夕陽無人署黃絹颯颯女蘿涼

自題懺摩錄

入塾始四齡陳書讀孔孟浮沈四十年如夢稍得醒初攻應
舉業帖括奉功令俛同俗師言墨守無掉磬嗣覺中未安故
訓探馬鄭斷斷漢宋學茅蘄分徑庭頗謂空談非實事求考
證書耽唐以前儒似古爲勝旁復涉百家文章別涂徑山川
大夫賦草木風人興發藻飾輪轅虛譽走不脛一朝翻然悔

華實兩皆病返諸身心間了隔不相應所學學何事摸象羣
盲爭殫精鑽故紙躬修迺弗稱內顧皆慙尤舉步成獲弃讀
書本窮理盡性以至命濂洛易可輕昔吾有先正詞華安足
驚一誤豈容更誓當掃陳見方寸勤磨瑩守約研六經省幾
制百行時還轉法華非敢儒墨並中有明誠旨間以彼言勝
迴向心地初垢淨得完鏡且圖懺前非遑論希賢聖

寄王蓬壺大令

洲

從化二首

蓬壺內子于婦爲女兄時蓬壺方悼亡

遠道難聽宓子琴貧官還散叔牙金舊藏懷字三年在漸老
親情一往溪巖邑頗聞需健吏經生應不負初心單車辦賊
前賢事兩漢書中仔細尋

乍近魚軒嶺海隅營齋元相足長吁久譖茶苦容消玉親見
天寒婢賣珠官閣新巢愁翡翠閨人秋鬢罷茱萸孟光縱在

蘆簾底也覺香桃病骨臞

夜泊龍潭

壬申

江濤撼山山夢醒四山壓船寒入櫺暝煙平幕水上亭濃露
洗出天邊星老魚忽竄碎沙瀨遠火自閃松蘿屏桃笙靜展
作弓臥枕底似有蛟鼉腥撇漩捎瀆明又去不識勞蹤今幾
度欲將絲鬢垂垂霜來問青青白門樹

瞻園三首

園在江寧藩廨爲明中山武寧王第

藩枳雄吳京林園開別廨修篁映欄隅細路出花外廊檻紅
微殷池楊碧多態奇礪石塹峭迎面一峯對樹老含古春亭
高納遙睎鍾山積翠陰莽莽入襟帶天空城堞長江近波聲
大魚舁同蒼黔昌辰均帖泰秋情妥客悰爽氣延虛籟叢桂
方畱人含香佇飛蓋

王侯出屠販詎謂無奇功斬戮干天和名成殃亦從元勲起
濠州佐命如文終獨持慈惠心藹然鋒鏑叢行師不嗜殺大
帥真儒宗德望祭征虜尊榮實安豐至今畱遺邸神鑒猶昭
融靈兮定綏此山水長清雄呵護資福力報祈盛歌鐘回飈
蕩華屋悅惚雲旗風

蒼松與白石向夕各生煙清池與皓月永夜相澄鮮露下坐
兀兀風涼袖翩翩恍疑此境外尙有千山環蓬閭隔瀛渤欲
到或引還欣然顧形影置我方壺間衙鼓忽遙送方知在闌
闌賓館誠傳舍何必非因緣海山與兜率歸著知何年且呼
雲中君聽予池上篇

中秋夜公讌後月色愈皎復飲瞻園

不管摧花蠟淚乾西園輿從續清歡桂香作霧迷遙嶼露氣

如潮壓畫闌歸院笙歌聲窈眇行天娥月影高寒闌珊殘局零星話較比初筵酒戶寬

孫淵如觀察招同方葆巖尙書

維甸

胡果泉方伯顧

千里文學集飲隨園二首

臨汝梯巖宅興公載酒過風流緬文采零落此山阿曉露簾花謝秋陰壁蘚多李邕曾識面毀譽兩偏頗

昔傳尹吉甫

謂文端公

車騎此情殷又見鸛鸞侶來盟漚鷺羣文

章前後水將相卷舒雲最喜招提近疎鐘隔竹聞

自題瞻閔圖二首

并序

癸酉

昔羅近溪謂楞嚴與中庸相合劉文卿謂莊氏知無無矣未知常住之性也如如不動豈非不已哉予謂莊氏言瞻彼闕者虛室生白吉祥止止夫生白止止非常住之性而何推之

爲縣解爲心齋爲櫻寧是具足六波羅蜜也楞嚴之七徵八
還四科七大和合二相四大狂頭二十五圓通胥一以貫之
矣卽與聖門傳授心法何常不殊塗同歸哉半生來境風纓
苒識浪騰涌心珠久昏色身誤認遂纏悲累坐昧止觀欲葆
眞以全天先斲妄而順化因倩半霞張翁作此圖以自警策
而系以二詩曰

不學跏趺不坐禪六時消盡一鑪煙
燄摩兜率都休問此是
人間少淨天

三十年來聽水聲意根今日略清寧
誰知羽寂宮沈地廣樂
分明奏洞庭

仲春將之皖江舟過吳門次巢松太史韻

楞伽堆案已經時忽漫旗亭酒一卮
未了因緣文字在漸衰

心性水雲知可能蓮社容元亮尚有琴聲待子期白髮恒河
且休照東風吹皺浪差差

元作

吳縣 吳慈鶴巢松

一年一見幾何時未可輕拋是酒卮痛數江湖關舊雨小
參仙佛證新知逃名尚藉諸侯養竊祿仍慳五嶽期明日
津頭已春水隔花吹碎玉參差

書義山集後

時果泉方伯擢撫皖江予近爲校刊元本通鑑書來屬兼箋奏適蘇撫朱靜齋

中丞亦命友枉招以皖約歸之偶讀樊南甲乙集序書以志感

那將今體當文章辟幕河東又范陽須識清涼山行者打鐘
掃地是家常

自丹陽陸行至白土遇雨

古路荆扉晝亦扃騾綱聲咽似淋鈴笠檐雨作芭蕉響錯認

閒房曲處聽

句容道中

雨勢淒然窘客容
良常福地寄勞蹤
年溪石路夷成險
山小松陰澹不濃
冥霧輿疑承入景
仙衣靈欲現三峯
華陽果有登真約
青飢先分到阿儂

搶風行

亂帆如葉江如練
各禱封姨祝如願
上流欲北下欲南
邗得蓬蓬日千變
天神忽施調劑手
順逆平分兩無羨
橫吹側送彼此同
跋浪陵波去來僂
紆迴學就之字形
詰曲渾疑羸殼旋
細響高檣茶鼎沸
忽捩舵牙雙目眩
龍驤萬斛作歌器
十里前津無正面
重輕呼吸爭安危
一索全憑蓬腳綫
長年三老意未忤
邗得中流疾於電
我今事事學知足
較比石尤良

已善獨有田翁茅屋下面江鮑唄紅蓮飯幽居一任往來風
本不知恩那有怨

舟夜

鷗依淺渚眠都穩雁宿平沙倦不飛惟有蓼花洲上鷺夜深
猶自刷毛衣

牛渚見月

月比然犀皎江逾淑帛長遙知大千界同此可憐光夢日城
何在青山宅亦荒似聞泉客笑那用說興亡

蛾眉山 卽天門山

長江作明鏡旁照雙煙鬟嫋嫋態抱幽意僂姿無媚顏夜分風
露重洗出青鸞環列宿耿垂地薄雲猶戀山金膏水碧氣窈
窕冲融間烏帽謫仙去坐令秋月閒儻餘弄珠侶來聽波潺

媛

螺磯靈澤夫人祠十二韻

片石靈祠在三分霸業殘卷旗風獵獵搖佩玉珊珊勢已成
吳蜀攸空相蹶韓吉儀乖反馬僊侶異乘鸞金幄刀光歇明
珠步障寒卦虛歸妹卜山作望夫看婚媾仇讎啟君親去住
難綢繆恩斷絕家國事辛酸魄定儕精衛宮長戀永安湘娥
情悵惆杜宇淚芄蘭溪女羞蘋白荆巫薦荔丹劉郎浦邊月
應照水迴瀾

板子磯

地傍鳩茲墓黃公逝不還弩臺畱草勁兵氣化雲閒白鳥滄
波外紅花翠篠間開平殘壘接餘感滿三山

阻風燕支夾

迎面驚衝颺安心得荒戍迴汀魚鳥馴薄命蛟龍怒卻眺謝
公山阡眠隔芳樹菌閣棲誠幽雲裴眇難駐遙情窮遠睇無
翼安能翥斜陽戀高梳慰客猶未去一寸翹慙心撻茗悵遲
暮

銅陵道中望九華山

羈心迫前津遠興寄寥廓九朵青芙蓉遙遙半天落疏峯積
蔥仡瑤草閔崕嶢想見薜蘿人丹泉情所託眷言採三秀顧
步尋五藥獨往意誰申因風感飛藿

泊梅根冶

積雨添新漲孤邨雪浪翻岸敲牆拍水籬倒樹爲藩僻巷雞
豚瘦溪蘆雁鶩喧銅官好嵐翠拄頰靜忘言

攔江磯

巨石涌洪波堆堆露境垆畫作戶限橫鬱疑神斧斲峻湍搏
成渦濺沫響澆澆澗篙師覓罅過奪險如奪槊昔人苦長征祝
願車生肉安得磯長攔離舟免頻數

雨泊帶池溝

雷聲嶺嶺雨霏霏舵師火急尋橫溪長空歸鳥不我顧青魴
赤鯉相因依澆澆碧沙靡迤草葭茨茫離襍蘋藻灘荒夜黑
客膽寒瞥見鄰舟孤亦好人生天涯總儔侶但共安危便相
與差池不解端居人同室肺肝分越楚

皖城節署偶成七首

嚴關鎮壯控荆揚上接襄樊下建康白塢朱闌城一角黃龍
青雀水中央市依山勢高還俯屋壓江雲暑亦涼莫說元封
南狩地漢家無事賦樅陽

日永牙梟靜不鳴潛峯濡陽盡夷庚天開粲晏江山色風送
和平鼓角聲驛路夕陽銷堠火射堂豐草臥衙兵獨儲懷古
三升淚清水池邊一再傾

時宿州匪犯就獲清水塘爲元余忠宣公殉節處

當年李涉此江濱七字能教劇盜馴不少孤舟停暮雨料無
豪客重詩人篙工艤楫愁遙夜估伴然鐙盼嚮晨那得飛鴉
全革響畔桑同作太平民

唐李涉遇盜索詩處卽今皖口

作奏安能似左胡抗懷書嬾著潛夫古牆雨積添藤蔓僻院
春深儘薛鋪隨例盤餐回味少代人文字愜心無平生恨乏
荆關手但取龍眠入畫圖

森森戟衛閑溪衙靜展多羅諷摘迦蔭坐軍門分柳色安禪
幕府稱蓮花更無壯志聽傳箭略有詩情爲晚霞最喜連牆
籤室近篆煙濃似梵王家

謂箋記徐漱石秀才朝鈔

行炙材官吉莫韡舞風妍爨唱迴波未殘紅蠟歌場好半熟
黃梁夢境多世事轉頭皆露電夜庭凝睇只星河無生合伴
騰騰嬾萬幻從他一剎那

閒園一片菜根香偶共簪裾步鹿塲但使蒼生無此色何妨
綠野又名堂吹來蔬氣風都好話到幽詩味便長祇覺衆中
添默感舊畦菰韭我全荒

節署後有抱甕園
菜根香園中亭名

皖遊歸舟口號

叩棹津梁倦不支得歸猶恐峭帆遲只愁孤負漁洋句滿眼
青山小謝詩

邵蔚田先生收綸圖

先生諱嗣宗先君子受業
師官至侍讀入祀鄉賢

道德爲竿綸仁義釣餌如淮南垂聖訓萬物歸籠罩釣名細
已甚得失眞錙銖前喆曠遐寄因時爲卷舒先生本儒碩學

林恣佃漁偶爾操寸牻六鼈手連諸班雖綴鵲鷺性自萌菰
蒲罷斫蓬池鱸遂寫收綸圖鱣堂網經味鯉庭咀道腴高懷
簽蹠棄真想濠梁俱夜壑痛移舟瑯俎光里閭師門感先澤
銜索悲枯魚吁嗟待沫鱗絕意揚鬚鬚潤俗入幕府強顏訕
鰕隅亦思泯求得忘機狎鷗鳬永息臨淵羨不逐詹何趨無
形之漁釣分異情則符題詩冀默感儻許遊杯湖

練江七生圖詩

并序

練江七生者葛君鐵生其仁徐君桓生榮黃君雲生穆之陳
君恬生琢毛君蘭生岳生錢君筠生師康莊君桐生爾保其
圖則錢石橋學博所寫也夫其駉驥齊鑣閑閤接跡各以雄
辭奧學拔俗綺歲旣聯光譽遂成品目乃繪講德之所徵擢
揚之言予忝鄰邑熟聞芳風以爲擢陵茗之秀者必規遠大

之業諸君將由舒向卿雲造極於顏冉曾史庶幾業飭志符
嚶鳴相悅非炫聲結侶比也因作韻語以應其請所謂不足
揄揚宏美聊以攄其所抱云爾

顧厨表東漢遽招黨人訾竹林稱魏晉放曠安足爲由來閔
達士標榜非所期要惟德不孤砥厲相磨治縣邈練祁水翕
集鸞鳳姿彩章合沮渙臭味無澠潛各蘊清廟器黃流在瑤
卮我聞學有三訓詰及文詞大乃屬儒者伊川彝訓垂君鄉
緬前哲碩範昭來茲矯矯四先生制行敦薄漓遐哉直言社
省察窮豪釐藝也進乎道本末兩弗遺諸賢備華實孟晉方
乘時文府旣研精道心行日滋賢關與聖域竝軌看飈馳同
術篤風義同方兼友師寧如朋甲圖猥被海棗嗤識路愧鰲
蹇絕塵望權奇掇懷申腐語黥僊吾奚辭

勾陳

勾陳森翊衛太乙拱楸枰那有蚩尤霧能迷松棟雲神龍洗
兵氣玉虎殄妖氛祐順羣靈協恭傳九服聞

鬼道

鬼道徒潛煽叢祠火屢簿早應誅害馬誰解牯童牛四豕分
肩髀層臺建髑髏祇供焦爛客辛苦覓封侯

書通鑑唐紀後十六首

臨淮善募軍小技必收名穿地有錢工終收破賊效
縣令字人官不損應言損大哉人君言劉琰爾何忍
罪已興元詔臣心感若何萬方皆雪涕忠義動人多
西平軍律嚴衆掠不敢從王建入成都尙有張打曾
鞭從馬上算錢如地上流漕鹽事兼濟歎絕劉忠州

柵拔陵雲日功成入蔡年元和國計簿不藉助軍錢
獻餐與觸瑟義士各驚心三復會昌集防微第六箴
藏兵紫草車會食清思殿何物蘇元明妖言搆奇變
殿後罍恩決家奴卽賊臣看花刪曲宴多負上林春
王式平裘甫賑饑先殛惡固知饋貧糧卽是拯亂藥
摧山五寨拜彈指賊渠禽只有高仁厚能知百姓心
婦女方績麻老弱方治田傷哉執俘將莫作楊行遷
全義尹河南一旗與一榜黃狐白骨叢日見桑麻長
訴旱指庭樹櫓昏觀察使亂賊非芝巢崔薨猶幸事
楊巖辭度支令攻爭權使牟利與畏難兩乖經國計
策獻字三十兵原衛十六草野抱愚忠郇模與杜牧

二月中旬果泉中丞專役至婁東見招赴皖予以婦

病未行卻寄三首

甲戌

飛旆纔看覲 紫宸攬槍忽復耀
秋旻躬環上將朱犀甲遙
控黎陽白馬津激電鞭霆天
掃霧賣釵沽酒地迴春鄴橋有
意參微畫公幹漳南惜病身

中丞於去秋入覲後旋以東
豫教匪辨逆督兵亳州予時病

足在
家

京觀鯨鯢百尺强草間狐兔
容藏似聞玉帳三門撤尙有
虞羅四面張魔力豈能逃藕
孔眼醫也合慎鍼芒好看稂莠

全芟了一片中原杭稻香

時大兵已撤
方搜捕零匪

羸軀已是倦長征婦病尤難
唱渭城奉倩取涼原越禮眞卿
乞脯亦人情梨花小院惜惜
畫藥鼎斜廊細細聲惆悵皖公
山色好停雲無際大江橫

旱甚

火雲高作繖地脈坼成爻桂楫平江斲銀牀涸井拋無方堪
咒水不食羨懸匏一卷齊民術鉤簾枉自鈔

壽楊叔溫明經六十

倦翼塌跼滄江潛素心里閑幾故人蕭君

子山掄

而外張

補景江

與畢

靜

楊子居近尤情親古懷奧學各殊特子最劇銃雄於

文金輪紺馬七寶飾蒼荀雞舌諸香薰摩空不作殿前賦韞
璞自韜希代珍研窮書圃魏伯起著錄弟子王河汾今年六
十覽揆辰敷門卻跡謝賀賓時方星嘒仰雲漢比屋玉桂愁
昏晨籥口鍵精抱深慨蓮龕梵夾皈能仁知子學禪有同癖
下索贈言取樸真我聞佛無壽者相獨饒宏願徧九垓不祝
子爲伏與申不祝子駕輅車輪但祝子參弟一義聞思修業
加辛勤誠通上仗慈護力要令康樂蒼生均難陀姑利好兄

弟應時霖雨膏澤勻地肥香甘粳稻熟早秬晚穠盈箱困旃
陀羅行世不作阿菟樓福皆無貧永離三劫刀殛疫相保百
年形影神子於此際樂長日籃輿竹杖華陽巾芙蓉朱顏綠
鬢髮龐眉擊壤陶唐民如遊寂光安穩土偃蹇不壞堅剛身
秋容老圃花馥芬問字邈車酒溫醇延年之祝無過此何必
冥靈兼大椿陳言芻語敬壽子并質蕭畢張三君

徐漱石秀才陳秋麓同守

其松

書來以內學相商權

率書六絕句寄之

宰官居士印心源約我同歸祇樹園品字柴頭鐺腳坐三言
正好話風旛

身在閭浮穢樹間一舒肱地定香環伊蘭葉大旃檀小且合
同生末利山

善法堂中縛五絲
修羅那得撼須彌
魔天尚有鴉鳩道
要祝鞞沙好護持

破屋須教未雨完
刈禾也要趁晴乾
枯禪應笑李文靖
堅坐從他壞藥闌

蒼生安穩願無涯
粳稻俱盧那可賒
但乞龍王號歡喜
年年風雨會瓶沙

浩浩諸方說法同
健椎一擊醒癡聾
誰知大振元沙道
卻在栽田喫飯中

九日欽王

士麟

齋

君業醫能詩

盆花黃映座鄰竹
綠過牆客老珍鄉
味秋陰戀酒場小
詩黃汧秀大藥橘泉
香卽此成棲逸家
風穩醉鄉

汪厚夫侍御

彥博

見劍醇酒侑以一詩
次韻答謝

衰鬢入凋年思參米汁禪何來缸面酒不費杖頭錢情重蘇
司業詩慙釋皎然南華微旨在只合學神全

元作

鎮洋

汪彥博

厚夫

才名四十年老去愛逃禪案上有經卷囊中無酒錢醉鄉

眞廣矣吟社益蕭然頗怪滄浪叟論詩總未全

自注甘亭爲予點定

詩藁序中謂嚴滄浪以禪喻詩不足盡詩之道乃借三乘眞實相明六義風雅原信可擴前人之隘而令予識所指也歸

夜

霜華漸白夕煙霏大地遊塵此息機去馬來牛都戢影飢鳥
寒雀亦停飛不知鐙火誰家暖祇覺星辰與昨非卻是臞禪
心暗警中宵推枕攬裳衣

曉

小詩解金言續集卷二 五
縱是寒宵更鼓遲丁丁虬箭密推移誰於月滿花芳候想到
鐘殘漏盡時曙色漸沈斜挂斗初陽先上最高枝眼前優悟
貞元理剝復分明不在著

半偈

半偈閒繙半穗鐙茫茫悲淚卻填膺陽阿久擬朝晞髮內熱
眞須夕飲冰妄想袒肩招怖鴿那能割肉飼飢鷹無端被笑
聲聞果自了猶難況上乘

偏菑行

偏菑屬旱非潦蝗近水得收遠水荒荒田果荒荒有數有田
不荒荒可作去聲朝廷恩意官長法卻使奸胥飽筐篋申荒誰
里正口注荒誰吏人手荒田無錢田不荒作荒有錢免辦糧
勘荒縱有神明宰一一安能免欺給偏菑由來降自天誰知

偏中復有偏偏菑人乃分天權偏菑賑菑弊益多嗚呼全菑
夏若何

霰

跳階篩瓦響珊珊雲黑風尖裏手看不到漫空三尺雪敗檐
人已不勝寒

對雪

長空茫茫合壺玉入隙穿簾巧緣撲耐寒傲羨鶴梳翎謀身
巧遜鴛儲肉人家一半絕爨樵市門晝掩風蕭條不知荒城
凋瘵氣轉似太古音寥寥敝裘不典勝緼袍米盡且貰松花
醪松醪到手手復縮鄉鄰三日無糧哭

善哉行

草有駢穗木有交柯自本視之夫寧有他一解凡百兄弟氣

言角食言系生二

其形分各判生事嗟哉路人二解爭巢而棲擇子而哺禽鳥

則然天彝忍斃三解儼邊設豆顏間熙熙厥貌誠合其真則

滴四解鳩喧雀噪止於岑蔚情薄文生乃在富貴五解桓山

之翼晨飢夕飢飢飢爾同分飛則毋六解

短歌行

陰陽消息生永憂長殤子猶可彭鏗可傷一解螟蜮恣田縱

橫風雨貴賤賢愚營營其苦二解我無巨鉅繫景於天我無

大力拔車於淵三解烹羊炮羔暫悅寸舌鳴彈清吹劍首一

映四解岱山之錄誰戚誰欣冥漠之君聲稱詎聞五解元夜

如晦鷄鳴不已詰士委心考祥視履六解縱浪大化與之推

遷仙人王喬屏藥七解一丸

書前太倉州侯白公新劉河志後有序

新劉河者順治間吾州知州白公登明所鑿朱涇也劉河爲
三吳水利通塞所繫而朱涇爲劉河北道濬朱涇則費減而
便埒成規具載於書利垂百年矣今劉河雖治而朱涇及楊
林諸水久湮屬夏秋亢旱田蕪農飢同人議計畝集資修濬
且寓賑於役具牘請於官予實爲削草邑宰董侯嘉允之使
此役就則農得食而東北鄉無旱潦憂厥利與前人並顧賦
錢庀役事繁而弊叢必舉諸弊盡釐焉而後賑役皆有濟因
讀白公書感其規畫之精審所謂萬鍾齊興於河上一人握
算於堂中者詩以頌之竊望於慈惠之師采擇焉
鄭白離堆後良規範郊同由來劭農計不外引渠功綜理參
微密精誠貫始終今人定如古立社祝樂公

感舊詩五首

有序

歲暮不聊衰髮垂素迴念少日見知名公坎壈沈落負負何
極抒情述德用見於篇惟意所感詞非求備其諸存者則弗
舉焉

元精降蠻貊直節表絲素綸閣襄鈞衡清風韻韶濩恭惟乾
隆間民物當豐豫治盛天方中風媮木潛蝨都兪競黼黻鱗
翼爭攀附公獨矢孤忠昌辰抱長慮排雲闔闔叫補牘心肝
露首陳金穀事虧耗失其故儲峙防虛名積薪愁火厝危詞
班聯愕寬典灰釘恕小謫穹階鐫遼途釋紱去猶頒諫草紙
俾抗彤廷疏卻溯官朝時我方離外傳忝爲年家子席帽春
明赴行卷溫顏褒清樽盤飮具心期驥騰超屬望鴻軒翥卅
載冠裳睽一身泥滓付遙天墜卿月時事急財賦年深弊叢
滋吏道成疾痼夫豈盡侵漁百費仰枝梧簿書勞鈎稽荆棘

莽回互勢重返則難公私兩惶怖哲人炳先幾經國在泉布
誰於涓流始念到江湖注盈絀司農計辛勤度支務浩然梁
木歎萬里南雲暮

右內閣學士尹公

壯圖

賤違東閣窺老謝輭塵踏影事三十年腸輪自迴匝昔公官
詞垣秉節馳原隰山川汾晉雄士氣軒轅接刻玉鑾輿巡
扶輪巾褐雜將行陳詩典敬助衢歌洽我父尹邊隅我少佩
觿鞮虛名辱采聽俯令進所業聲偶擿裂詞未獻顏先甲神
磁曲鍼收巨海細流納謂文如翻水賦頌亦迅捷渾忘吹竽
濫云可充才乏督以楷則工掇鐙兼補枿期以卿雲製上林
與羽獵班空秀髦遴感實肺腑浹塗轍霄壚乖歲月颺電颯
星衢祥麟騁涸澤枯魚泣隔越疑人天追思恍塵劫平生蛟

嶠字蠹蝕琉璃匣不埽丞相門罷發園橋篋欲祛浮薄藝敬
探素王法博謇慙修能脂韋守界狹髻齡英譽孤人海蘋顏
插千秋台槐功史館有編牒耿耿懷知心長歌淚棲睫

右大學士戴文端公

衢亭

乾隆乙巳駕幸五
臺公時督學山右將

以賤名應
各試後
以人少不果舉行

俗吏昧經術小儒忘本原醇修旣玷闕幹濟徒苛煩邳治邁
中古偉人出三韓淵微性天學覺義兼祇洹塵翳大珠脫眼
膜金鑑刊巍巍古尊宿壁立窮躋攀始作神明宰繼爲都典
官莎庭闕篴篴丈室存瓢簞冷面督僚吏溫詞煦儒酸精誠
注民物所到成蘇萱賤子甫冠時獲隨賓從班論詩薄曹劉
體道睎閔顏直從心地初了了呈倪端業愧彭子佩行非曹
景完猥於授經暇飽得餐微言俯念衣食事爲籌棲息安汝

陰田未買隼旒旋飛翻謝傳夢雞白嚴公歸旒丹孤飄一殘
客老淚今猶彈民難日彫悴俗窳滋蚩頑名父水門廢任延
講堂寒祝如公數輩參錯封圻間各以宏誓願拯此黎甍瘝
煌煌循良傳撫卷餘三歎

右東河河道總督王公

秉韜

公仲子郊受業於
予公觀察廬鳳時

欲爲予置田潁
州以遷官而罷

羈州遊邊州童嬉習鞍鞚嚴親綰綸銅子舍修溫靖國棟豫
章材穹門婉蕭邴銀章雁祁守岸幘南樓詠辱以通家誼許
申拜牀敬沙黃塞雪糅月白城笳競幕府文符閒寥天珠斗
正深杯伯仲雅華燭短長檠磊落敷詞條豁達刪語穽時時
和新詩韻若泗濱磬送酒駉馬蹏借書走奴脰顧維鴛服阜
曲羿珠照乘昔夢淒心神朱顏改明鏡藩吳暫披接鹽坂仍

躡蹠幽燕三輔地節鉞握兵柄勵翼妨頤生紆籌益憂恟騎
箕當行部雨泣軍民併去年大作逆畿甸叢梟獍妖星玉除
照殺氣天街橫翦滅雖崇朝游魂有亾命先幾事誠難肝食
煩明聖公靈在雲霄憤涕想交迸義感羣英趨忠驅百神
應長扶太平基速使根株淨

右直隸總督裴恪勤公行簡

一勺泉無貪三公不易介疑然吾婦翁峻節峙崧岱舉首南
宮魁詞頭東觀最初乘司隸驄時整休奕帶建言撫拾非簞
國姍姍戒獨念宣房宮成規潘靳在久歌鏡瀾平孰慮莢攀
敗廢格犁疏法侵尋沙石濊河隄兩使者跛蹇嬰疾憊滔陸
機先萌尸官宜斥還封章白簡彈按劾青蒲拜茨築俄崩摧
芻言洞著蔡超曹光九列膺錫逾十賚程士金懸衡校文鑑

鼓鞀嚴無囊書通公有孤寒夢几杖乞骸歸頃田負郭賣瓶
空半粒粟居只三間廨童幼託絲蘿山邱慟蒿薤名愁冰玉
忝範憶春雲藹直道人心存馨香前哲配至今膠序中看釋
諸生菜吁嗟斯渠事比益勞軒蓋曲突公曾憂處堂詎忘戒
迂庸榻夫懷佗僚魚頭慨榮進長已矣廉隅庶無壞兢兢捐
潔志或冀符鍼芥

右兵部右侍郎蔣公

元益

公上請更兩河臣疏
在乾隆癸酉年戊戌

歸田日自贊有屋止三間粟
無一粒之句今入祀鄉賢

里中黃拙庵丈

昌言

制行淳樸績學工詩以諸生窮

老終遺集無傳之者偶於敝篋中檢得其乾隆戊申
歲柬予借書絕句三首蝨蝕其二其一僅存句云汲
古如登臨貪心窮楮櫟知君仁者心攬勝當無已墨

淡字歆迄今二十六寒暑矣黃丈墓木已拱而予家
藏書亦散失不逮曩時十一追維愾息輒成二詩

宿草衰楊掩墓門遺書零落墨痕存誰刊陳起江湖集略慰
方干地下魂

雪花不作堅牢玉世相無非變滅雲欲寫蘭亭須繭紙人間
癡絕右將軍

去歲春中晤張船山太守問陶於吳門見語云神交

廿年矣比聞其殂謝以二詩輓之

分明星月負衣裳峨嶺仙人謫大荒百態新詩珠玑唾兩間

清氣雪肝腸窮逃酒國原無賴病買花枝轉自妨時新納姬一曲

當筵人一世燭痕和淚共淋浪

相門詞伯乍抽簪萬里沙曾五馬臨瘠郡轉添貧宦累官錢

難稱活人心

君守萊州適值歉歲

救糗法贍安禪好畫餅名勞榜道尋

此日絃歌慙赴節可能遙賞蓋山音

懷楊蓉裳農部

芳燦

蜀中二首

君主講西安書院近聞入蜀修四川通志

木末亭邊共拍浮三年秦棧薄裝留過來雞犬新豐路唸入

魚鳬古國秋十橈箋分才子寫

謂哲嗣浣香

六朝文合錦城修蜀

王記與華陽志早晚書成肯附郵

當年力戰扼城完十萬封狼一彈丸

農部尹伏羌時值逆回之亂有圍城百韻詩

殺氣冷連邊月苦筆花高拂陣雲寒角巾西第休官好轢釜

東厨煮字難太息廣騷詞賦手白頭還戴遠遊冠

新正十日文軒侍御耐山同守招飲小琅嬛卽席分

體得嘯字二十韻

乙亥

冰雪饕殘臘風霾壓故栖青陽翹轉律白屋迴含悽暖氣然

其燧新韶驗柳稊綠迴蔬甲潤紅入草心齊詞伯今潘左狂
朋摯阮嵇飮盤羌貊炙沁齒薩波盞漿美珍三勒詩砭數六
迷酒香醺幕燕霜凜隔簾犀樗散渾忘蠹雲高慣憶泥情瀾
滋蕩激胷岳隱端倪歲乍經糠歉人誰飽糗藜米艱稀會食
釀貴廢偏提肅羽鴻方集查牙馬不斷陳書毫斥兔論事膽
成颺宏願魚緣木浮生蚋聚醯且須嘗紫蛤何暇唱黃雞勝
地憐萍聚歡場惜侶攜畫檐纖月落歸路玉繩低蕊嬾探梅
塢豐先祝麥畦吟懷如凍雀春到又催唳

輓李蘅塘學士

錫恭

當年立雪共求羊

謂時庵外舅

馬氏人人說五常一鶚獨先霄漢

舉八龍無此姓名香新宮又逐羣仙賦舊夢全拋選佛場莫
問大羅天上事日斜鄰笛感山陽

四月十九日白石翁招同靜山叔溫飲玉臞閣以二
詩見示次韻和荅

客塵鼓洪波識浪不可詰
永懷紫霞想孰整丹泉術
集侶如宗雷聯情託膠漆
生機感山園百果同一實
飫我蔬筍盤喜等飯飮
溢風雩足微尙卽事成馨
逸煩悔學書蟬關門兀佔
畢

息心厭機巧除飮須緘口
半畝戀花宮經行肯孤負
草香承牀敷松梵出林藪
便應挈壺前寧計成佛後
清供快朶頤俗士占解拇
君同惠遠師許醉陶潛酒
一笑虎溪邊微言爲予
剖

次韻荅叔溫問疾

一春夢繫花開落半卷書
消酒淺深多病尙餘無
始習就衰

纔悔未來心
芒屨破鉢何年辦
綴網迷雲幾度禁
願約盈川老居士
神珠同向敝衣尋

元作

鎮洋

楊雲璈

叔溫

中虛憐我支筇弱
小極看君閉戶深
百歲易過生老病
六時難攝意身心
罷茶止酒俱非計
覓句攤書兩不禁
有客對譚能去疾
相望南北互招尋

秋杪復將有皖江之行次文軒贈別韻五首

紀程詩卷廢仍題倦
身終難戀故樓
未到重陽風雨日
江花江草已淒迷

情重汪倫贈別初道緣
深處世緣疏可知
千尺桃花水不抵
曹溪一卷書

時以重刊慈山法語贈行

入林支許愛同羣
法侶君真似右軍
頗怪多生文字習
高詞

還欲儷皇墳

牙旗玉帳大江橫
書劍何心說壯行
但祝蓮香秋幕底
祇譚風月莫譚兵

漫將秋水洗塵容
多事昌黎送五窮
識得隨緣安隱法
不須雲將問鴻蒙

予與芙初太史別九年矣
今秋相見於吳門酒次時
予將之皖城芙初治裝北上
以詩見示次韻和荅三首

翩翩雙倦翮
秋各遡風來
迴首別如雨
論心惜此杯
蹤難鷁鷺逐
衣約菱荷裁
黯黹離堂色
江雲落豆灰
身境如雲月
荒荒聽所之
心齋寧六鑿
禪侶託三支
文字終憎命
人天近得師
晦堂消息好
香到木犀時

鬢髩蒼浪對檢期仔細商行藏歸戒定風雅系綱常世味茶
兼蓼流光味又暘後時逢背雨誰更勸飛觴

元作

陽湖劉嗣綰英初

艱難故人面一面十年來道氣歸書卷豪情減酒杯傳文
及身定野服稱心裁莫厭支離相相逢話劫灰
盡除名士氣湖海欲何之書少嬌兒讀機餘病婦支家貧
常慰僕學積自求師莫負庭前桂秋山正好時
聚散怱怱事開懷爲一商去留君未可進退我何常局外
籌軍國閒中軫雨暘他年人海客難忘此離觴

悼亡十二首

時亡妻久病小差予將由吳門作院行
忽急足至以疾殆促歸飛棹夜抵里舍

亡妻卽以是夕長逝蓋九月廿三日
也以詩哭之族望行實別詳埋銘

愁中眉黛病中身小愈輕拋甫越旬餐減久將湯藥代客歸

還望笑言親出門意惡機先兆瞥眼香消事果真早識此行
成永訣肯令傷別再含顰

纔罷昌亭祖餞筵傳來消息促迴船披帷但貯雙瞳淚撒手
猶餘一面緣少日聰明寧載福化時安穩或生天驚心月皎
霜清裏恍有神風去肅然

送君南浦恨常銜偏是飢驅屢辦嚴兩字銷魂呼別酒卅年
含涕疊征衫幸遲湖海人千里斗變平安信一緘寄語天涯
浪游壻莫教容易挂離帆

總帷風色恰驚秋那得香焚聚窟洲薄供新蔬知食少略描
遺挂認睂修營齋短晷恩恩過倚枕清宵細細愁正是如年
寒漏永儘將前事記從頭

大義能明至性殊門櫓從不做崔盧并無惡口加僮婢常展

歡顏對舅姑。風樹酸聲懷共聽。露蘭唳眼久成枯。而今卻替
三言角會言集卷之二 三

亡親慰先我。晨昏侍冥途。
耕織何能學。孟光風標還未忝。姬姜頻經憂患心逾細。不作
矜嚴體自莊。嬾遇花晨常晏起。病逢家祭必晨妝。小春轉眼
修時奠布席。平添淚數行。

最小偏憐謝。傳庭閨房遺訓守名卿。未曾詞藻嫻才筆。頗解
風詩重性情。夜閣香鐙成道侶。畫簾清影似書生。牙籤整妮
房櫳窈窕風定猶疑展卷聲。

不貪黻佩厭笙歌。只愛家庭養太和。百疾自知生趣少。六親
人說笑容多。飛蓬髻已拋珠翠。破布衣還當綺羅。澹泊儻鍾
來世福康強。先勿累沈疴。

早孤予季劇癸單嫂氏真同母氏看乞得米常羞獨飽典餘

衣或替遮寒。商量授室言如昨。辛苦成人事儘難。說與旁觀
不求諒九原卿自得心安。

筵卜中年爲祝禩。占來顛趾一顏開。禪心自嬾花叢顧。世眼
冤將柳氏猜。豈有譚言成海棗。可無幽憤抱泉臺。良朋總有
生稊勸不柰。尋春寸念灰。

簿籍勾稽秩秩如。鍼箱線帖亦清疏。盡收遺物歸塵篋。怕有
零箋見手書。未散魂來殘夢裏。最傷心是上鐙初。參元枉悟
蒙莊旨。結習依然欠掃除。

一聲清梵一莖花。自轉金經向碧紗。根淺豈能資冥福。情真
差勝召僧伽。早安香骨謀歸土。得傍先靈便是家。從此報卿
卿許否。佛煙禪榻送生涯。

金堅齋學博

元鉅

以錢三同人手書詩札遺墨屬題

感愴之餘輒成五十六字 丙子

難遣巫陽叫九旻。璇霄應乏著身人。天邊白玉樓何處。篋裏銀鈎字斬新。昔夢記來添綬淚。零珠傳玩亦奇珍。鄭堂遺籍文園稿。拭眼何年付翠珉。

讀義山集有感再題用文軒耐山九疊不字韻卽以

奉柬

時又將之皖而張蘭者中丞疊函致堅以皖約舜之前有書義山集後絕句茲再書以志感

果能才似玉溪。不下客恩多負桂州。綠水敢舜王儉府。青山終戀仲宣樓。虛聲慙愧瓊瓊鶴。野性分明浩蕩鷗。風欲吹桃煙潤柳。楊朱休爲路歧愁。

文軒耐山有置簫之勸再疊前韻荅之

從來月沒替星不立地。無錐笑趙州。塵海因緣拋牒扇。孤雲蹤跡愛僧樓。華年早悟刀頭蜜。綺夢慵圓水上鷗。只要寒岩

倚枯木略添花草便添愁

二月八日雪後耐山招集趣園劇飲分韻得花字

春陽不舒羣陰呀風稜雪片交按羣鸞跼如負殼蝸皺玉
凍損梅槎枒尋芳足裹白鼻騮溫毳席少蓬萊葭仙曹奕世
茅君家送暖招我斟紅霞蘭堂燭輝翠幕遮椒薰焰吐煙光
斜亭亭媚娥雙髻了一笑展放天桃花歌珠銀箏合鳳琶鏘
然音流婉凌華大千世界恒河沙西走玉兔東金鴉颺輪疾
比赴壑蛇羣生擾擾爭覬窪遇合安用分隆窳蚊蚋舞鴛禽
授罍六合之內皆籠笈今吾不樂大耋嗟醉鄉日月真寬賒
護世城中珍膳誇乾闥婆天樂紛譁有似背癢煩搔爬中年
逃禪學結跏獨處無匹甘匏瓜至味頗戀菖蒲茶東山絲竹
忽我嘉入識田又萌情芽迷津覺岸渡乏楫長者火宅乘無

車祗洄犯酒亦細瑕藉掃塵累稠於麻
似脫鎖兼敲枷願離三業聚惡又解穢
妄請漁陽撾侵尋海籌轉蝦蟇長天爛
爛開晨赧

同作

鎮洋畢憲曾靜山

鴻飛倏忽各天涯一笑恒河偶聚沙
絲竹何妨兒輩覺敦盤卻讓我曹誇
瓊杯玉釀神仙果慙燕雛鶯姊妹花
如此良宵如此會誰言世味薄如紗

述懷三疊前韻柬文軒耐山叔溫靜山

石火光陰省識不存亡清淚滿西州
年來葆巖尚書墨卿船兩太守同人鐵雲兩

孝廉俱下世定歸佛界雙林樹浪說神方五嶽樓
浮世夢原同覆

鹿春江風且莫驚鷗新詩卻似西羶笛觸撥山陽萬種愁

三月十二日出門別亡妻圖

乞食復行腳舍辛一撫棺孤樽聊自餞雙淚更誰彈教弟然
香火畱僮守藥闌隨緣任漂轉小艇卽蒲團

吳門晤湘蘅女弟

驚我衰顏瘦煩君纓淚垂恐增孱體病翻作達言規細雨憐
花活明鐙制酒悲奇零看骨肉不敢說孤危

陳生子雅

北賢

齋坐雨

有髮僧相對無弦琴任瘖睡情茶後減禪味雨中汲瓶鉢同
蕭寂江湖偶滯靈惟嫌少姚合

謂春木時三
人皆悼亡

鐺坐話雙林

題陳孟楷

裴之

所撰鐵雲行狀

鐵雲居母憂以毀卒

此是真文字能傳至性情畱添獨行傳增重好詩名死孝侯
知道通幽范巨卿存亾光我黨風義各錚錚

孟楷以近詩屬點定輒書五十六字

新詩獨契秘密藏有似禪開臨濟宗四七星辰見光氣八九
雲夢吞心胸神仙一家許玉斧父子兩騎周盤龍我曹溼鼓
甘守默但打夕陽花外鐘

吳門訪嬾庵上人於善慶禪院出蠡濤吳丈手書長

歌題鳳巢圖卷屬爲繼聲時丈已歸道山詩中備述

選僧修寺之由蓋具宏護苦心非隨喜法門比也卽

次元韻書其後

鳳巢主僧會一嬾庵會公王牧嬾公
主宗皆善知識也今會公已逝善慶

寺在城中嬾

公兼領之

先生化鶴如蘇耽墨寶留鎮松毛庵健筆虺蛇走風雨妙書
猊驤紛趲趲選僧護法若選士淨拔荆棘栽梗楠城西鳳山
我未到讀畫請爲紙上談單椒芊綿草有忍匹練散薄泉無
貪壓檐石壁面削鐵傲霜楓葉紅微酣香茅縛屋趺坐穩野

疏擷圓齋厨甘布薩羯磨兩尊宿寒山拾得夫何慚會公滅
度嬾公在別有退院開伽藍孤雲片石足小歇白月大珠光
炯涵覺支餘事作詩畫如鉢偶現花優曇比來吳市接瓶拂
粗言細語忘帖喃法王難學四無畏叔夜自知七不堪苦思
把臂覓支遁那得捨宅儕羅含八萬四千塵濁想敗絮著棘
車絳驂根門何方熱惱絕心力願秉金剛截彌天義學肯示
我皎皎秋潦澄寒潭爲商教海及禪土不出一心萬行箇普
攝諸門定爲首無分緇白兼纓簪要除文字掃知見勿嗜禹
穴奇編探阿難多聞迦葉笑王壽負書徒滿籃直揭真傳渡
筏八勝語妙義風旛三津梁久疲春夢破徑欲柳栗香林擔
真依香火此卽是披圖笑指晴煙嵐移文永免勒山北虛譽
任人高斗南搬柴運水縱無力焚香掃地粗能諳竹窗霏霏

散花雨佛火隱隱搖運龍我題此詩作左券不辭細字如眠
蠶先生有靈定默佑雲中甲馬方朝參

小謨觴館詩餘附錄

鎮洋 彭兆蓀 湘涵

臺城路

春夜讀手山少年游詞悄然感均填此解和

露華如水天如洗六街蓮漏遙聽酒重黏衫花低壓帽巷窄
猶兒未醒玉羅窗靜恰待燼蘭缸尙支匳鏡傳語呼茶小紅
鸚鵡隔簾應年年江湖泛梗有傷心影事腸斷誰省一樣
清游依然俊侶換了少年情性睂峯煙冷指珠斗闌干斜斜
整整半晌魂消畫樓殘月影

謁金門

巢松齋中秋海棠忽發重臺繪瑞棠圖索題

燕支勻染雙笑梨渦痕茜莫道秋紅春色淺西風簾自捲
六曲屏山雲豔一角蠟牆煙歛只有幽花心事嬾盈盈低露
眼

金貂換酒

金子斐曝書圖

風幔開晴晝看紛紛珠璣笙典鴉奴左右漢殿秔侯官總貴
祇說黃金繫肘問有此百城擁否誰抱遺經酸寒甚只長鬚
赤脚供趨走遮莫笑玉川叟少年我亦殘編守嘆嗟跼書
淫墨癖龍鐘卅九案上乾螢成底事負了一囊塵垢儘茅屋
漏痕都透徑欲全拋免圍冊但江湖料理綸竿手閒晒網夕
陽後

高陽臺

若冰女士遺照

翦水凝眸積雲顰髻畫闌庭院春深風絮天涯離愁負了瑤
琴迴文機上珍珠字問幾番傳語青禽鎮微吟明月樓西羅
機花陰阿誰腸斷筼筵夢賸悽然遺挂壁帶塵侵翠石蒼
苔衣香何處重尋晶簾數點梅花小尙依稀瘦影檀心恨難

禁碧海青天消息沈沈

賈陂塘

李子仙投壺夜飲圖

夜沈沈吟朋俊侶紛然中酒而作誰歟中雋誰浮白注目寒
山秋閣堪一噓筭得失人間萬事如斯爵逢場戲角儘驍脫
蓮花天流笑電勝負定忘卻前遊記裘帶羣公油幕也曾
壺矢爲樂琴心劒膽消磨盡悔插風塵雙腳交落落便爛醉
狂歌金戟都休拓私心暗諾只白酒黃雞檐花細雨算負故
人約

前調

吳爽庵執松圖

笑人間朱門梁肉羣兒酣豢多少荀奴箇妾山居供我與何
曾同飽場圃小放露甲煙苗一例都栽到江湖才調指說餅
清門飲泉家法風味箇人好書生腹只配紫葵紅蓼故鄉

隨分漁釣殘杯冷炙年年客多怕舊畦荒了憑報道論託命
長鑱作計真須早閒園淨埽要漣勒編籬團焦支屋夏約漢
陰老

疎影

巢松咏花圖

暗香欲滴有刺嘈翠羽見爾清寂霜亦精神玉亦溫磨素綃
衣袂薰徹金尊檀板都拋卻算溷了仙姿姑射但風前攤鼻
吟成濃笑疎枝漸圻試問瀛洲登後九英一樹下記否朝
日風絮前蹤我似何郎揚州東閣能說天涯歲暮參橫夜生
怕聽玉龍哀笛只鄉愁減盡詩懷閒煞滿庭煙月

桂枝香

顯王丹生與其友汪焘庭合作
秋堂延桂小影時汪已下世

文寮虛做有金粟浮空畫蟾窺幌嵇呂心期交映玉壺冰朗
水晶簾下玲瓏望一天秋一天瑤想小山何處素懷誰託暝

煙空蕩 嘆石火流年易往又庾公思舊伯牙絃曠橫笛西
鄰遙夜送來淒響畫圖留得連蜺樣賸寥寥幽興孤賞屋梁
月落閒愁萬斛古香仍放

百字令

金堅齋臥游圖

藏春小鴨問人間蠟屐勞勞何苦綠水丹厓金碧畫都在先
生岩戶絹素雲煙滄江虹月便是扶搖路蟠留五嶽一塵中
有千古 堪歎湖海平生浪萍飛絮往事愁重數徑把遠游
冠卸了休說登高能賦上箇籃輿拖條竹杖并嬾尋花步疎
簾清簾與君同看山雨

前調

王秀才斐成爲吾鄉煙客先生耳孫工六法得
其祖風繪耳畫室圖索題爲填此解卽送其之

水瀨

懷哉耆舊話清門文采孰如卿好尙璽司農家法在又見仍

孫英妙老樹顛厓江山煙霧眞覺聰明到丹青引裏杜陵感
慨多少記取隆福寺前小祇園畔卯日同遊釣此是家鄉
眞畫本可惜翻飛鴻爪甚日關門湖亭黃汧摹箇藍田藁鷗
盟珍重髣髴我已垂老

臺城路

題六合汪紫珊碧梧山館圖時紫珊將
需次北上而予有皖江之行瀕發書此

十年夢想汪倫久相逢秣陵驛旅壁月詞人微雲女壻君爲
隨園
太史館甥家住石帆深處藥闌花淑有翠鳳棲檐冷蛩當戶一片
吟情秋聲都在最高樹纔聞踏歌岸上又東勞西燕相背
飛去江草黏天楊花滾雪愁聽離亭津鼓銀牀小鴨問甚日
閒蹤再團鷗侶寫我西窗翦燈同話雨

前調

徐漱石僧廬聽雨圖

蕭蕭撼撼淒淒裏荒寒梵宮深院修竹初鳴飢鼯欲出中有

妙明心澹前塵如電笑羅帳青樓霜天斷雁過眼空花人間
何事可留戀 吾生幾場夢幻也悲歡離合雙髻都換一鉢
山棲半龕雲臥要結淨名禪伴宵涼香泛儘蕉葉秋喧塔鈴
風亂分箇團蒲佛前鐙共翦

十二郎

書盛子履孝廉詩卷後

一鞭席帽纔拂了輭紅塵土看文杏雲邊碧桃天上愁絕芙
蓉江渚莫問春卿遺才事只湘水衡山鑒取嗟十指朱絲七
條冷玉有人心許 千古錦囊留得綠章新句記吾谷花穠
尚湖杯暖傳徧旗亭歌處穎士奴憐香山姬解儂也兩眉軒
舞暢好約海畔成連日日刺船聽去